

迴霄降霞御空上法 青童君受

帝君生於明霞之內五雲纏絡霄炁映容形
法帝籍受瑞玉虛凝真圓液方思玄霞以自
運念遊霄以登空御玄晨於十天馳飛電以
控龍於是精思成真遂乘虛入无其訣有要
不雜衆方今以授子便可奉行

東方青霞諱飛虛 西方白霞諱素虛

南方赤霞諱丹映 北方黑霞諱玄象

中央黃霞諱愬生

能知五霞降致飛翹朝夕存思玄霄來請乘
空上升身造太清子修此道每以平旦日始
暉之時出中庭叩齒十六通東向三呼五方
霞諱畢仰祝曰五方玄霞流映玄虛參七御
九迴造我廬得乘飛晨控御紫輿上造太極
請受真書畢心拜咽炁三十六止暮向西亦
如上法夫人修學上道不知雲霞內名雲與
不為之降存思亦不致感子得此法行之十
八年室生自結之炁雲輦下降運子之身上
登玉清也此道寶秘文說玄霞之諱於世人
終不得又修其方故宜秘之輕泄罪累子身

殃及七祖可不慎之

運度天關披神洞觀秘文

帝君曰子欲飛騰上造金闕當修洞觀運度
天關朝拜父母存時內真遊戲九天上詣帝
房每以夜半露出中庭仰存北斗七星朗然

思見我身在斗中央隨斗運轉度天關至
西南方之上便再拜正立叩頭九道仰頭微

三呼天父闕地母闕今故歸身歸身反於父

母自然之尊可不運度我身我身得度永離

思路存思二尊仰享福祚畢咽炁二過咽液

九過止

此二尊天地之至諱玄真之隱名不得妄告

於人三過告人九天之司滅算損年殞命九

泉終不得仙凡修上真之道七星移度披天

三關不知此諱九天主真閉于修思之感非

玄門之子不可得而披真靈不為子降此天

地之妙法受者當齋金人玉人各一形詣師

口受訣言登盟告度不得違科身沒鬼官殃

及七玄受者慎之慎之

洞真太上紫度炎光神元變經

二經同卷

洞真太上神虎玉經

洞真太上神虎隱文

廣四

洞真太上神虎玉經

玉君曰神虎真符太真九天父母所出太真

丈人以傳東海小童九天真王以傳

太上道君太上道君常所寶秘藏於太微靈

都瓊宮玉房之裏衛以巨獸扞以毒龍神虎

七千備于玉闕金晨玉童素靈玉女各三百

人侍衛靈文玄暉空映散煙紫庭威振九遐

之域神光煥乎上清妙暢啓於自然洞慧微

於无形神虎班其匠金虎巨其真智慧標其

幹消魔其演源微旨幽邃妙趣難詳皆著天

魔隱諱或標百神內名誦其章千精駭動詠

其篇萬妖束形以三天立正之始傳付太微

天帝君使威制六天斬馘萬神攝山召海求

縛群靈威魔滅試迴轉五星於是太微天帝

君奉受消魔智慧神金二符佩遊上清乘虛



1077, 4222-0

逸駕浮輪太微澄景太真之館上足玉帝之階靜與天地合契動與七景齊輝臣落九玄握節靈機領括萬度億津摠歸激百陽以生電運千陰以吐威晨霄控道於金闕天關應感而自爾命八景以高登騎神虎以昇飛群仙啓路七星奔移玄光冥滯億變萬尋洞觀无窮之境周覽極天之涯流目盼於五濁哀生以告哀可謂微乎真符靈化之妙哉

太微天帝君告上相青童君西城王君曰上清大智慧文消魔真經此太極之玉篇高上之寶談神虎真符九天太真所重寶童智慧可以逐穢消魔可以束邪真符可以制魔夫有玉簡紫名得修上法莫不為衆秋所乘萬魔所試若欲使萬害不能傷萬試不能干皆神虎之威真經之妙用也今以相付可傳後學應為真人者當依太真之科七百年內聽得三傳不得示非其人輕露真文身被風刀之考殃及七玄

若有金名東華錄字上清者得吾此符便以玉童玉女三十六人侍衛子身則可以經危

冒險越山跨海召神制鬼封掌靈岳所之所向千妖伏匿萬魔束形群仙侍衛身生異光修未七年真靈自當降子之房飛與綠輶白日登宸受者對禱九十日或三十日或七日皆齋上金十兩以為神真之信錦九十尺以誓九天青繒三十尺以盟其心好道樂真勤心注玄无恠財物輕物貴道道无不存如此之士始可與言內愛財寶外心淨好道亦已照閉之玉笈藏於金闕昇度之後藏之名山神虎內真符



佩神虎上符以青為地黃書之

若之五岳并在危難之中鬼魅之地皆當作威神大呪叩左齒三十六通呪曰九天玄音醜節兼和總統幽張開神百華越滯无迹三監羅波迴素滿景珠薺幄沙丹明總命犁拔劫阿合光映遂登來盈家伯樂乘元運策天魔調更絕種滅形九羅虎變神威攝制萬邪斬戮无大自小皆殛妖絕九陰禍滅太和乘景策虛上躡飛霞出入帝庭長保靈柯

畢咽炁三十六過止不受神虎上符不得妄

誦此呪此呪皆九天大魔內諱一祝九天駭
動萬鬼來形千精畏目百神皆庭不受而妄
誦皆亡魂失魄高上滅魔之祝亦如此明慎
之焉又有消魔符及神虎文符在消魔經中
悉是九天魔王之隱音也亦應佩此祝符之
時悉服一枚益佳

興寧三年乙丑歲七月一日桐栢真人授道
士許遠遊言至甲申乙亥壬辰癸巳之歲九
月一日七月七日四月八日當有道士著七
色法衣手持九曲策杖或在靈壇之所或在
人間告乞或誦經詩或作狂歌子若見之勤
請其道必授子神虎上符此南岳真人太上
常使其時下在人間察視學道者心

洞真太上神虎玉經

洞真太上神虎隱文

太上大道君爰乃自彈景龍雲璣寶音千逸
萬響纏激流微壽勃紫綺回陰玄風八發於
是玉鳳延頸金鸞整翬龍吟碧波虎躍瓊州
九嘯和唱玄鈞洞天伏獸攘袂猛馬張喉獨岳
橫林街劍攝邪衆聲紛亂百攬妖爾乃命玉
清上宮侍女安法嬰田四非趙定珠李雲門合
歌揮神之詩滅精散靈之曲其辭曰

昔泛太霞巒 八浮造雲營
神宗理靈襟 龍翰秀玉京
金門纏蔚裕 九房朗紫瓊
高駕涉北元 蕭蕭入无生
朱虎導靈師 綠棘登上清
四玄明朝禁 抱華還鳳城
七難尚梵綠 擬標九元衢
宣曜寶太暉 颺眇躍景敷
整控啓素鄉 河靈已前驅
陰雲帶夜日 燭月歇交初
結朗朱生神 構領同反无
萬源寫北谷 乘空歸流星

滅景擢浮游

纏綿嘉樂宿 我峯自霄浪
逸宅丹玄珠 妙微徒虛向
幽明秉靈符 太空道亦暢
落玄表群會 閭推豈乖喪
德隱冲肉迹 生始似久夢
神精感太素 至寂不覺當
玄響奏象外 煙映在所之
協晨鼓長扇 幽條焉能疑
絕洞溟溟流 暉霞生在茲
神王入玉虛 翔翅六領臺
九羅遜幽遼 至无侵朱兵
道藏金極章 妙會亦已平
千龍吐綠水 彈調赫栢榮
洪藹攝絕宅 九河倒竭傾
齊首峻嶺宇 靈液四蓋庭
領拔納和秀 莫檢形與名
舍精灼雲房 縱玄執化理
靈道越蘭關 蕭伴清零紀
萬峰坦奇觀 玄玄那排起
雲上有瓊宇